

ՄԵԾ ՀԱՂԹԱՆԱԿԻ 53-ՐԴ ՏԱՐԻՆ

Պատմ. գիտ. դոկտոր Կ. Ա. ՀԱՐՈՒԹՅՈՒՆՅԱՆ

Հայրենական մեծ պատերազմի տարիներին (1941—1945 թթ.) խորհրդային Միությանը՝ ԱՄՆ-ի, Մեծ Բրիտանիայի, Ֆրանսիայի և դաշնակից մյուս պետությունների հետ միասին համաշխարհային պատմական նշանակություն ունեցող հաղթանակ տարավ հիտլերյան Գերմանիայի և նրա զբաղավորած ֆաշիստական խմբավորման երկրների նկատմամբ, որի շնորհիվ ֆիզիկական բնաջնջումից ու ստրկացումից փրկվեցին Եվրոպայի և Ասիայի շատ երկրների ժողովուրդները:

Այդ հաղթանակը կարևոր նշանակություն ունեցավ նաև հայ ժողովրդի համար, քանի որ ֆաշիստական Գերմանիայի դաշնակից Թուրքիան պատերազմի հենց առաջին իսկ օրերից պլաններ էր մշակում հարմար պահին խորհրդային Հայաստան ներխուժելու և այնտեղ նոր ցեղասպանություն կազմակերպելու համար: Թուրքիայի ֆաշիստամետ կառավարությունը 1941 թ. օգոստոսի 15-ի դրությամբ խորհրդային Հայաստանի սահմանների մոտ էր կուտակել իր 48 հետևակային դիվիզիաներից 26-ը, որոնք տեղաբաշխված էին հիմնականում՝ Վան—Երևան, Կարս—Լենինական և Արդահան—Ախալցրխա—Ախալքալակ ուղղություններով:

Պանթուրքիստաները գերմանացիների ղեկավարությամբ խորհրդային Միության դեմ Թուրքիային պատերազմի մեջ ներթաշխուրդ միանալու կոնկրետ պլան էին մշակել: Նրանք նպատակ ունեին մասնատել ԽՍՀՄ-ը և նրա մի շարք տարածքներ միացնել Թուրքիային: 1941 թ. հուլիսին «Բողկուրթ» («Գորշ գայլ») հանդեսի 11-րդ համարում զետեղված էր «Թուրքիայի սպասում է» վերնագրով մի հոդված՝ ապագա «Մեծ Թուրքիայի» քարտեզին, որի կազմի մեջ նշված էին Անդրկովկասը և Միջին Ասիայի խորհրդային հանրապետությունները: Բնորոշ է, որ և՛ հոդվածում, և՛ քարտեզում Հայաստանը չի հիշվում: Պանթուրքիստաները Թուրքիայի սահմանները Կովկասի վրայով հասցնում էին մինչև Ղրիմ, Վոլգա, Ուրալ, Միջին Ասիա և Յակուտիա: 1941 թ. հոկտեմբերին, երբ արդեն ծավալվել էին մարտերը Մոսկվայի համար, Հիտլերը խորհրդա-գերմանական ռազմաճակատում գտնվող իր ռազմականում հանդիպում ունեցավ մի խումբ Թուրք զինվորականների հետ, որոնց ղիսավորում էր Թուրք գեներալ էրեյիթը: Հանդիպման ժամանակ Հիտլերն իր դադափարակիցներին հավաստացնում էր, որ «Ռուսաստանի օրերը հաշվված են» և որ պետք է շուտ ղործի անդնել: Սակայն խորամանկ Թուրքերը չէին շտապում ԽՍՀՄ-ի վրա հարձակվել, այլ սպասում էին Մոսկվայի ճակատամարտի ավարտին: Ինչպես հայտնի է, այդ ճակատամարտում գերմանացիները առաջին անգամ խայտառակ պարտություն կրեցին, որի հետևանքով ոչ միայն վերջնականապես տապալվեց «կայծակնալին» պատերազմի հիտլերյան պլանը, այլև պսակագերծ եղավ ֆաշիստական Գերմանիայի զորքերի անհաղթելիության առասպելը: Մոսկվայի մատույցներում 1941 թ. դեկտեմբերին Կարմիր բանակի տարած հաղթանակը միաժամանակ նպաստեց հակահիտլերյան դաշինքի ամրապնդմանը, ինչպես նաև լուրջ նախադրուշացում հանդիսացավ Ճապոնիայի և Թուրքիայի կառավարող շրջանների համար՝ ժամանակավորապես ձեռնադադարի մեջ: ԽՍՀՄ-ի վրա հարձակվելու մտքից: Սակայն 1942 թ. ամռանը, երբ գերմանական զորքե-

րին հաջողվեց ռազմավարական հաջողությունների հասնել խորհրդա-պերմանական ճակատի հարավ-արևելյան և հարավային ուղղություններում, անարդիլ շարժվել դեպի Ստալինգրադ և Կովկաս, թուրքական կառավարող շրջանները նոր թափով շարունակեցին նախապատրաստական աշխատանքները՝ խորհրդային Հայաստան ներխուժելու նպատակով: Նրանք այս անսով հայացքները հառել էին Ստալինոբոգին և անհամբեր սպասում էին ճակատամարտի ելքին: 1942 թ. հոկտեմբերին, արդեն փողոցային մարտեր էին տեղի ունենում բուն Ստալինգրադում: Այդ նույն ժամանակ դերմանական մի զորախումբ մարտեր էր սկսել Կովկասում: Հաջողության դեպքում հարավից դերմանացիներին պե՛սք է միանային թուրքական 26 սպառույզն զիվիզիաները, որոնք 1942 թ. նոյեմբերի կեսերին անցնելու էին սահմանը: Սակայն երբ հայտնի դարձան Ստալինգրադում կռվող դերմանական զորքերի անհաջողությունները, Թուրքիան նորից սպասողական դիրք բռնեց: Ինչպես հայտնի է, 1942 թ. նոյեմբերի 19-ին խորհրդային զորքերը հակահարձակման անցան Ստալինգրադի շրջանում, շրջապատման օղակի մեջ վերցրեցին դերմանական զորքերի 330-հազարանոց խմբավորումը և մինչև 1943 թ. փետրվարի 2-ը լիովին ջախջախեցին այն: Իսկ ստիպեց թուրքական կառավարությանը ԽՍՀՄ հարավային սահմաններից ետ քաշվի հարձակման համար պատրաստ իր 26 զիվիզիաները: Պատերազմի հաջթական ավարտի շրջանում, 1945 թ. փետրվարին, երբ արդեն վճռված էր ֆաշիստական Գերմանիայի բախար, Թուրքիան խորհրդանշական պատերազմ հայտարարեց իր նախկին դաշնակցին:

Այսպիսով, շնորհիվ Հայրենական մեծ պատերազմում խորհրդային Միության տարած հաղթանակի, հայ ժողովուրդը փրկվեց թուրքերի կողմից նախապատրաստվող մի նոր ցեղասպանությունից: Ինչպես Մոսկվայի և Ստալինգրադյան ճակատամարտերում, այնպես էլ պատերազմում տարած վերջնական հաղթանակում իր արժանի ավանդը ներդրեց նաև հայ ժողովուրդը: ԽՍՀՄ 2,5 միլիոն հայերից բանակ զորակոչվեց ավելի քան 500 հազար հայ, որից շուրջ 300 հազարը խորհրդային Հայաստանից: Շուրջ 100 հազար հայ պատերազմին մասնակցեց աշխարհի մնացած երկրներից: Այսպիսով, Նրկորող համաշխարհային և Հայրենական մեծ պատերազմին մասնակցել է շուրջ 600 հազար հայ, որոնցից ավելի քան 200 հազարը զոհվել են մարտերում:

Հայ ռազմիկները աչքի են ընկել ոչ միայն պատերազմին մասնակցելու բարձր ակտիվությամբ ու թվաքանակով, այլև մարտերում ցուցաբերած խիզախությամբ, հրամանատարական բոլոր կազմերում ունեցած իրենց տեսակարար մեծ կշռով: Հայրենական մեծ պատերազմի տարիներին միայն Կարմիր բանակի շարքերում ծառայել է 60 հայ գեներալ, իսկ հաղթանակից հետո պատերազմի մասնակցից հայ սպաներից 64-ին ևս շնորհվել է գեներալի կոչում: Հայ զորավարներից Ի. Ք. Բաղրամյանին շնորհվել է խորհրդային Միության մարշալի, Ի. Ս. Իսախանովին՝ խորհրդային Միության նավատորմի ծովակալի, Հ. Խ. Բաբաջանյանին՝ Ջրահատանկային զորքերի ղրխավոր մարշալի, Ս. Ա. Խուդյակովին (Ա. Ա. Խանփեյրյանց)՝ ավիացիայի մարշալի, Ս. Ք. Ալյանովին՝ ինժեներական զորքերի մարշալի (1980 թ.) կոչում: Պատերազմի տարիներին հայ դինվորականներից մեկը նդել է ռազմաճակատի, 3-ր՝ բանակի, 6-ր՝ կորպուսի, 22-ր՝ զիվիզիայի, 25-ր՝ բրիգադի հրամանատարներ: ԽՍՀՄ պաշտպանության նախարարության կազմերի ղրխավոր վարչության պարզիտարման բաժնի 1947 թ. նոյեմբերի 1-ի սվայնեթով Հայրենական մեծ պատերազմի տարիներին շքանշաններով ու մարտական մեդալներով են պարգևատրվել: հայեր՝ 66802, վրացիներ՝ 49106. աղբրբեջանցիներ՝ 36180 մարդ: Մեր հաշվումներով ընդհանուր առմամբ խորհրդային Միության հերոսի կոչման են արժանացել 105 հայ, որից 4-ը՝ 1939—1940 թթ. խորհրդա-ֆիննական, 100-ը՝ Հայրենական մեծ պատերազմի, 4-ը՝ հետպատերազմյան խաղաղ շրջանում կատարած սիրանքնեղի համար: Խոր-

հրրդային Միության մարշալ Ի. Ք. Բաղրամյանը և լեզենդար օդաչու, դվարդիայի փոխդնդապետ Ն. Կ. Ստեփանյանն այդ բարձր կոչմանն արժանացել են կրկնակի: Պատերազմի տարիներին 13 հայտրդի արժանացել է Սոցիալիստական շխատանքի հերոսի կոչման. ինժեներատեխնիկական ծառայության գեներալ-գնդապետ, ավիակոնստրուկտոր Ա. Ի. Միկոյանին այդ բարձր կոչումը շնորհվել է կրկնակի: Պատերազմի տարիներին կատարած սխրանքների համար 27 հայ ռազմիկներ պարգևատրվել են Փառքի 3-րդ, 2-րդ և 1-ին աստիճանի շքանշաններով:

Հայրենական մեծ պատերազմին մասնակցել են հայկական 76-ոդ (հետագայում՝ 51-րդ գվարդիական), 89-րդ, 261-րդ, 390-րդ, 408-րդ և 409-րդ, Խորհրդային Հայաստանի տարածքում կազմավորված կամ հանրապետության մարդկային ու նյութական միջոցների հաշվին համալրված՝ 61-րդ, 136-րդ (15-րդ գվարդիական), 138-րդ (?0-րդ գվարդիական), 151-րդ, 236-րդ, 320-րդ և 406-րդ հրաձգային դիվիզիաները: Հայկական փառապանծ 89-րդ Թամանյան եռակի շքանշանակիր հրաձգային դիվիզիան գեներալ-մայոր Լ. Կ. Սաֆարյանի հրամանատարությամբ Կարմիր բանակի միակ ազգային զորամիավորումն էր, որ 1945 թ. ապրիլի վերջերին և մայիսի սկզբներին հաղթականորեն մտավ Բեռլին:

Ֆաշիզմի դեմ տարած հաղթանակում իրենց արժանի ավանդն են ներդրել նաև հայ պարտիզանները: Միայն Ուկրաինայում և Բելոռուսիայում մարտնչել են ավելի քան 2000, Ղրիմում և Հյուսիսային Կովկասում՝ 500, Մերձբալթիկայում, Լենինգրադի և Կալինինի մարզերում՝ 200 հայ պարտիզաններ: Ուկրաինայում Կովպակի պարտիզանական միավորման կազմում մարտնչել է «Հաղթանակ» ջոկատը՝ Սերգեյ Հարությունյանցի, գեներալ Նաումովի միավորման կազմում՝ 250 հոգուց բաղկացած Անաստաս Միկոյանի անվան ջոկատը՝ Արամայիս Հովսեփյանի, Ֆրանսիայում 1200 խորհրդային ռազմադերիներին կազմված հայկական պարտիզանական առաջին գունդը՝ Ալեքսանդր Ղազարյանի, Հունաստանում 1000 հայ ռազմագերիներին կազմված «Ազատություն» ջոկատը՝ Բարկեն Ներսիսյանի գլխավորությամբ և այլն:

Երկրորդ համաշխարհային պատերազմում ֆաշիզմի դեմ տարած հաղթանակում իրենց ծանրակշիռ ավանդը ներդրեցին նաև սփյուռքահայերը: Պատերազմի տարիներին նրանց ճնշող մեծամասնությունը կողմնորոշվեց դեպի Մայր Հայրենիքը և համախմբվեց ազգային ճակատի կազմակերպությունների մեջ՝ իր նյութական ու բարոյական օգնությունը ցուցաբերելով մարտնչող Հայրենիքին: Սփյուռքահայերի հանդանակած միջոցներով րստեղծվեցին «Սասունցի Դավիթ», իրանահայերի զուգարներով՝ «Գեներալ Բաղրամյան» տանկային շարասուները: Հազարավոր սփյուռքահայեր ֆաշիզմի դեմ մարտնչել են նաև գեներալ ձեռքներին՝ արիությամբ կատարելով իրենց բազաբազային պարտքը այն երկրների բանակների կազմում, որտեղ ապաստան էին գտել 1915 թ. Մեծ Եղեռնից հետո: Միայն ԱՄՆ-ի բանակում մարտնչել են շուրջ 26 հազար հայեր: Ֆրանսիայի և Մեծ Բրիտանիայի բանակներում կային ավելի քան 30 հազար հայեր, ոոոնք զորակոչվել էին Եգիպտոսից, Միջագետքից, Լիբանանից և այլ երկրներից: Ամերիկյան բանակի զենքերայնը դարձան Ջորջ Մարաիկյանը և Հայկ Երեքոջյանը, սիրիական բանակի զենքերայի կոչման արժանացավ Արամ Կարամանուկյանը: Իր անմար սխրանքով Ֆրանսիայում հռչակվեց Միսսը Մանուշյանը, որը հետմահու արժանացավ Դիմադրության շարժման հերոսի կոչման, հանուն Ֆրանսիայի պատության իրենց ևանքը գոհեցին Լուիզտ (Լաու) և Արմիտար Ասլանյանները: Ավելի քան 300 հայտրդիներ լնկան Հունաստանի պարտիզանական կոնվներում: Բազմաթիվ հայեր ակտիվ մասնակցություն ունեցան Բուլղարիայի, Հարավսլավիայի, Լեհաստանի, Իտալիայի, Հոլանդիայի դիմադրական-պարտիզանական պայքարին և իրենց արժանի ավանդը բերեցին ֆաշիստական ստրկական լծից այդ երկրների ազատագրմանը:

Ֆաշիզմի դեմ տարած հաղթանակի գործում իր արժանի ավանդը ներդրեց նաև Խորհրդային Հայաստանի աշխատավորությունը, որի հերոսական ջանքերի շնորհիվ պատերազմի տարիներին հանրապետությունում շահագործման հանձնվեց 30 նոր արդյունաբերական ձեռնարկություն, յուրացվեց 300 նոր արտադրատեսակների արտադրությունը, Հանրապետությունը վերածվեց Կարմիր բուրձի մարտական զինանոցի, որտեղից՝ «Ամեն ինչ ոսպմաճակատի համար, ամեն ինչ հաղթանակի համար» նշանարանով ամեն օր տասնյակ զնացքակազմերով ոսպմաճակատ էին ուղարկվում մարդկային համալրումներ, դեմք, զինամթերք, սնունդ, հանդերձանք և այլն:

Հայրենական մեծ պատերազմը մեր զարի խոշոր իրադարձություններից մեկն էր: Եթե չջախջախվեք հիայերյան ֆաշիզմը, ապա շատ ժողովուրդներ կոչնչացվեին կամ կստրկադվեին: Մեծ հաղթանակը, իսկապես, ունեցավ համաշխարհային պատմական նշանակություն:

53-я ГОДОВЩИНА ВЕЛИКОЙ ПОБЕДЫ

Доктор ист. наук К. А. АРУТЮНЯН

Р е з ю м е

В годы Великой Отечественной войны Советский Союз вместе со своими союзниками одержал победу над фашистской Германией и ее сателлитами. Эта победа имела всемирно-историческое значение, так как от фашистского порабощения и физического истребления спасла народы мира. Эта победа имела важное значение и для армянского народа, так как гитлеровские фашисты и их союзники пангерманцы угрожали существованию армянского народа.

Свою достойную лепту в историческую победу над фашизмом внес и армянский народ; около 600 тысяч армян участвовали в войне, более 200 тысяч из них погибли на фронте, 104 армянина стали Героями Советского Союза.

В блестящей плеяде советских полководцев, вместе с И. Х. Баграмяном, достойное место заняли Адмирал флота Советского Союза, Герой Советского Союза И. С. Исаков, маршал авиации С. А. Худяков (А. А. Ханферянц), Главный маршал бронетанковых войск, Герой Советского Союза А. Х. Бабаджанян. В годы войны были организованы 6 армянских национальных дивизий. В историческую победу внесли свой вклад также армяне-партизаны, труженники тыла и зарубежные армяне.